

廬山集

欽定四庫全書

廬山集卷二

宋董嗣杲

撰

七言古詩

天池寺夜與主僧覺翁圓上共坐談語溪山水

之勝信筆因贈長句

空雲駕我登天池江山秋眇無津涯涉溪驀棧借杖藜
光景體認歸裁詩崢嶸寺門高風低塔鈴喧風際天吹
方丈軒檻餘毗尼老僧喜氣揚鬚眉浮屠名紀主簿題

偶拈椽筆書年時秋稜初勁樹葉飛蜀錦粦綴斜陽枝
文殊閣上薰香遲天燈熒煌放者誰暗中拾取懷袖攜
一燈一葉光陸離千古此奇不可知獨此闌干納此奇
月落泉響松籟迷畏寒蛩坐身如癡覺禪論健能祛疑
傷今悼古涕交頤自矜夙抱山水資曾為浯溪強住持
浯溪溪上波渺瀰波濤衝撞天寶碑寺門廢圯日就衰
急拾斷碣分龜支二水八景猶紛披浮蹤又向廬山羈殘
骸未散挈鉢棲所至殊忍弔迹遺浯溪誰究稔禍妃有

唐立見宗社危陵廟棄擲奔我蜀最苦杜陵嗟流移元
郎頌公雅可裨大書紀勒中興辭讀之憤悱生悽悲平
生未采湘江薜聞此幽妍空心期覺翁泥古多發揮逆
知流輩莫我追回思太史過浯溪曾有野僧相追隨儻
如覺翁能投機太史肯以庸目之夜寒燈花糝臺歌無
酒可滌吟腸飢推窓下望夕烽微東西天地猶旌旗

九江驛紀夢歌

西風吹淨汀洲明蕭蕭雨荻霜蘆聲江山幻出琉璃屏

誰歌謫傳琵琶行三更月滿十二城夢超弱水登蓬瀛
九派水九疊山水水山山錦四環綠羆玄猿守朱闌雪
鶴舞影石臺乾瑶樹琪花不可攀花上結子千歲慳花
子錯落魚鱗斑踐幽濟勝清肺肝回首空睨雙雲鬟蘿
香點漬衣袂寒不覺罡風吹倒還瓊跳壁濺鳴珊珊

錄秋日藁因寫客况寄王倅昆仲仲亦曾任衡

倅

富池羈客吟窮秋吟成寫出還包羞王家兄弟領此幽

識邁子瞻與子由欲織寒江無機收兩眼遠晚邊烽樓
前時水頽岸不修今日雲族蒙荒洲洲上秃樹葉不留
丹纈都漬泥塗浮燒薪晚煮雲子粿方纔落斧鳴潮頭
欲填饑腹消客愁飽時熟睡迷莊周蝴蝶夢破嗟年流
不解俯首尋茶甌飛鴻整陣聲何道憶君金玉孰可侔
自期雪夜訪君遊乘興肯遜山陰舟

寄程申叔

奇才不泯揚馬名善政況著龔黃績政績才名分外榮

山林意趣無方覓人生富貴骨相中何須強力爭豪雄
三光五岳蟠心胃歲寒春色梅花風我有小隱傍石屋
石上幾回斲黃獨看來我已不啻足何事攢眉勞案牘
程子談何不碌碌古意今情兩堪掬歸與歸與毋忍辱
同尋牧童過天竺

初至江城寓分司衙

書生浪出值暑天何啻千里身在船今辰忽向船亭坐
頭眩猶類瀕江牽履平剗地若恍惚四體不舒慣舫杙

自嗟時滯久勞苦驅馳負得貧筋骨奉使衙深少吏胥
幹官占了東偏居西偏有軒扁清足憔悴幾竿蒼竹疎
射檐莫禁落日曬平白將身隨爐鞴不奈羸軀苦熱情
無故要償行脚債富池狂遊期者誰卷雪樓燬空有基
離船未久抱虛暈孱弱忍蹈波濤危官衙寂然且臥病
便行小伺西風勁廬山夜眠不熟淚不乾梧樹支離凋
井闌

午陰坐清足軒

雲過秋天亂，擘絮風透秋。窓遺剪刀客，衣難禁如此。候
離家失侶，徒呼號。肌骨癯然病，易入況復加以思慮勞。
行來行往失神雋，蟄此何殊懸壁獠。莎底促織聲更苦，
唧唧唧唧聲轉高。闌檻謾爾寄清足，石階半落埋蓬蒿。
無人洗竹起荒翳，脆竿蠹葉纏薜荔。繁陰不密絕午夢，
安得清風襲襟袂。摧殘其來亦已久，心欲扶植茫無計。
鈎簾癡坐空搔首，直睨秋雲割新霽。雲捲雲舒天自空，
風生風止窓且閉。未暇冥搜清足吟，鄰園老竊傳孤唳。

西風

大江西風三日起激起怒濤三萬里客子口噤悄無語
縱有高樓危莫倚樓前秃樹剩幾葉更有咽蟬埋葉裏
大船小船不見影衝沙入峽蒼黃艤偶籠窄衫上岡頭
茫茫莫辨天與水浪花旋舞山岳迸鱗鱗白露江豚齒
乾坤浩渺昏八極秋高偉事無過此正愁梧上鳳栖空
誰傳水底蛟鬪死

得少順風又值小雨二首

浪遊幾技還家淚貧抱遺書羞擁篲短篷獨載冒江濤
平生觸事成淹滯所為素守三不欺人所不知心所知
欹枕賦就歸來兮風伯前呵雨師隨

風色幸順逢小雨小雨冥濛細如縷磯上積得雪片堅
雨暗煙沈無所覩無邊無岸江氣埋誰將混沌為胞胎
送愁急取孤樽開詩思不知從何來

午睡中懷約山遊

蘇州藤枕蘄州簟更着洪州蟬翼扇高臥西窓風外榻

相栩羲皇夢中見客寄無聊歸未易搜吟攪得酸腸偏
尊香鱸肥自相憶李鷹肯羨洛陽掾為客不似家居好
身老江湖已云倦要盟東林遠法師白家池上泉珠濺
聽泉坐石且幽尋收拾勝跡歸吟卷我欲往遊志已堅
只恐同遊心易變

貧遊

厄貧作客嗟不辰棲危更覺懷家頻接泥渡頭漫簇雲
飛雪成塊打倒人隔江黃梅山嶙峋莫障疆場風沙塵

巴河未放船出津歲晚客子多苦辛伊誰急利行移新
茶引濡滯太不仁書生枉困千金身嘔盡心力無由伸
乾坤誤我此行役徒然夢想南山宅廬阜要窮仙佛跡
須將姓字磨崖石春風春日春酒碧脫却俗務勞雙屐
携勑賸采白雲薇只欲了此心願歸

辛酉富池元宵寫懷二首

七年交春七日強濛濛春雨吞江鄉此夕莫知是元夕
地爐埋伏身猶僵鼓簫聲絕想景物燈火燭短如尋常

逢辰往往思濟勝此際何異栖幽荒推窓且畏江風惡
風柔却憶沙河塘一竿星點富池廟隨炙隨滅無精光
江南江北那識春况此寄鎮埋煙塵卑棲客官困壘斷
無故污此金玉身濁醪自醉復自解空恨梗政吏不仁
忽傳街鼓聚嬉戲兩株枯柴挿燭銀塗抹脂粉破涕淚
覓酒獻笑酬佳辰震搖荒市官不嗔傳是黃梅縣西人
吟客枉訪酒邊走筆以贈

讀書無靈時易過刺得此身寄寒餓浮議徒然強雌黃

孤生已拚蟻旋磨江湖說詩在處多字不堪煮詩奈何
不若將軍氊帳醉兒郎帳裏傳羌歌歸尋種秫安愚分
微名微利天所靳長沮桀溺隱者歟耦耕曾答仲由問
濁世悲歡無歇時公事不了歸癡兒胃蟠今古何足恃
得醉且醉莫須疑酒邊說詩真是贅說詩斷是敗人意
醉入羲昊洪荒前消取霎時邯鄲睡歲年寧免驅塵勞
勞不成功亦滔滔終須儕入千百衆坐對栢烟穿布袍

余明遠訂遊廬山

清談得子夜已中彼此歷叙平生窮知子曾為四明客
亦曾獻賦明光宮萬人海裏不相逢狂遊却向江城同
尋盟要采廬山杞香爐峰頂煙生紫便從山北過山南
趁取春光攢桃李洗心滌慮先漱齒況是天下第一水

答問遊廬山日子

欲遊廬山恨不遍游子先須兩腳健山中浪走不知方
逢人問路空徬徨人言五老山水窟半是神仙半是佛
獨行直待西風高未可議我無仙骨

刪舊藁感賦

少年嗜吟如嗜蜜諸公竒之有竒質學荒志曠不自量
躡登將壇多所嫉薄遊六朝廢興處遠慨疆場分離日
江草江花幻縝密下字如縛禪家律吁嗟舊存無二三
側近所取不償失因知嫉者豈輕易斂盡浮華能就實
趣入空玄須正傳趣得於心暗如漆搜剔造化鬼神憑
天孫雲錦可織出客寄多時轉蕭瑟起取風寒寫曠逸
九江五峯金翠濕風月悉歸三寸筆